



"Yj"  
<>

17/03/2008 17:02

To <beStrong@fhb.gov.hk>

cc

bcc

Subject 強烈反對每月3%醫療供款!!!

Urgent

Return receipt

Sign

Encrypt

這是政府收集市民意見的郵箱嗎?

我們強烈反對政府強迫月入\$10000既市民就要供呢個乜鬼醫療供款!! 老實講, 月入\$10000真係得好少, 點算中產? 連居屋都未有資格買啦, 何來中產呀????

你地政府仲要向我地小市民開刀, 左扣又扣, 已經每月要供5%MPF, 而家仲想每個月扣多3%做醫療供款? 咁咪變相減人工? 得果\$10000/月份糧真係唔夠使, 如果實施左呢個垃圾供款, 我地就每月唔見8%既錢 (已經差唔多成千銀!!) 加上又通漲, 樣樣野都貴左好多(連面包都加價), 又要交租、水電煤、車錢、家用、食飯錢, 仲未計其他雜項.... 供左都唔知舊錢去邊既! 又要到65歲先-到!! 老實講都唔知有冇咁長命啦!!

好似果-MPF 咁, -我地-錢去做投資, 老實講, 我用果舊錢炒股票仲好, 起碼係我自願既!! 而家MPF 同呢個醫療供款根本係我地市民唔願意之下供既!!

仲有呀, 我又唔會睇你地政府既醫生既, 點解要我供? 你地政府醫院成日醫療出錯, 有錯又唔認醫死人既 (好似上次有個病人明明冇癌病既就同人做左幾個月療)..咁既出錯都可以既??? 我將D錢睇私傢醫生仲好啦, 起碼有病睇起醫生上黎唔使等幾粒鐘!!! 有事都可以搵返個醫生算賬!! 你地政府D醫生有鑊只識瀉膊!! 仲好意思叫我地每月供3%, 完全比唔到信心我地囉!!

加上我自己有供開醫療保險既, 我使鬼要靠你政府呀? 服務質數又唔係好!! 你地而家話就話知詢公眾, 睇死你地好快就會實施啦!! 又強迫我地6個方案簡1個, 咁咪即係屈!! 根本剝削緊我地選擇既權利!! 天理何在呀!!!

剝削我地選擇權利!! 天理何在!!!